

救危三策

救危三策

民國五年七月付印
民國五年八月出版



著者

作行

兼者

覃

壽

公

印

刷

者

北京華國印書局

發

售

處

各

大

書

肆

富基

種首

黎元洪題

救危三策前言

予之作此書時。有數者之心理焉。 (一) 初擬爲官牘文體。上之當道。既而自思。此中非有多少科學用語。實說不盡。而科學用語。又非知識簡單之武人政府所能了解。故改爲論辦體。冀與國內血性志士。爲建設之商榷。 (二) 予之成此書時。在袁世凱死後之十日。國會開幕前之數日。武人跋扈縱橫之象。官僚秘密賄緣之象。志士奔走號呼之象。政客傾軋援引之象。外侮侵陵逼迫之象。國民顛連流離之象。一一雜集於腦筋中。故每一論點。以科學上統系之研究。愈衍愈精。而所感觸愈甚。篇中不無危苦之詞。蓋在於此。 (三) 國會復活開幕之期已至。而帝制系強力豺虎之倫。仇視之心益甚。兩院同人。有所恐懼。僅欲以解決憲法問題爲下台之思想者。彌多。不敏期期以爲不可。今不更從政治與經濟兩方面。爲危亡之救濟。吾恐世界風潮之來。與國內紛亂之甚。亡國之痛。將不在於帝制囂張之時。而在於憲法已成之後。念天地之悠悠。獨愴然而涕下。予是以不得已而把筆書此也。 (四) 回首可憐歌舞地。秦中自古帝王州。京師爲明清以來數百

年專制帝家之巢穴。加以洪憲君臣之尾聲。不學無識頑固無恥之官僚派。金樽檀板牧豬奴戲之都人士。除酒食游戲徵逐外。與之言建設正誼之國家。彼且瞠目直視而以為怪。是則予此書之成。求供若輩之覆額。且不可得。安望其能索解而卒讀。屈靈均曰。已矣哉。國無人莫我知兮。又何懷乎故都。予擬往歐洲為此次世界大戰經濟之研究。予之建設之言為不效。他日社會破裂之慘。經濟亡國之痛。有心人必有感於吾言之不幸而中。而垂涕泣而道之者。昔船山老人自序其噩夢。一或者天欲解人之懸甦。人之死則旦而言之夕而行之可也。一云云。今此書之作。以予觀之。日暮途遠。人間何世。其言之去行之期。決不在旦之與夕。而懸而待死者。已在於眉睫。嗚乎。天時人事。悽愴傷心國人乎。志士乎。有與予同此感觸者乎。予願與一振之。民國五年八月作者言。

救危三策序文

自民國成立梟傑秉政倡爲維持現狀之說有以策新改進之論進與其所守之常例慣態相牾者輒以理想斥之空言置之而一般墟拘無常識之舊官腐儒少見多怪亦遂從而利之曰此理想也此空言也相與深閉固拒遂成牢不可破之局夫宇宙進化者也而社會日新者也人之所以靈於萬物者以其有思想有計畫也既有心思耳目即有選擇趣舍不安其故之勢一事也先對之有一種之希望由希望而生悟解由悟解而成爲議論由議論而見之實行所謂理論者事實之母也若不問可否一一惟故狀之求勢非盡如山藏之獸林棲之禽跂行喙息仰飲俛啄一聽其自生自滅不止而乾坤幾乎息矣文化安得進步國家安有與立哉試觀三四年來日言建設而政局之混棼如故日言整頓而吏治之窳敗如故駟致支離潰決不可收拾以有今日於是維持現狀主義之政治之黑幕乃大揭穿於天下重以國家經一次變革而政治之惡點乃益加暴露國本飄搖民生憔悴有岌岌不可終日之勢於是識時憂國之士乃有取向爲梟傑政府所屏斥

排絕之策新改進之說再揭舉以詔國人者雖然政治之理趣最隱且蹟其得失利害因人之所見而各有不同譬如入五都之市五光十色雜然前陳任人取携欲確然有所抉擇而不炫於去取者又非有獨到之見解精密之考覈不能也舊友覃君達方三楚結學士也於近世所稱法律政治經濟之學號爲專家屬當共和再造國事猶棘覃君本其憂時愛國之志發憤而成一書名曰救時三策蓋今國家當危而復存之後百端待理而其橫梗於前者即軍隊問題也故覃君於此首致意焉國家之血脈在於交通交通不發達則全體麻木不仁一切事業均無由進行故繼軍隊而起者卽爲交通問題焉抑有進者今日之國家生活命脈殆全操縱於外人苟今日國民猶不勃起產業猶不振興即有交通機關亦不過爲外力內侵之導火線故其繼交通問題而起者又必爲產業問題焉不佞嘗謂吾國民之在今日須有一大覺悟當辛亥革命之後國人炫於憲政之美名以法律可以解決中國之問題於是爭腐心於立法事業以爲一有完美之憲法及其他之法律萬事俱可迎刃而解乃卒之有强有力者悍然出而摧蕩破滅之而所謂

法治之力遂一旦歸於無有至是吾人乃知今日之救國大計不專在法律問題而在政治問題而所謂政治又非僅通常習見之因革損益云云之所可爲功蓋今日世界趨勢已又由政治競爭一轉而爲經濟競爭苟國家及國民之經濟問題不解決雖有良法美意訐謏嘉猷猶不食之畫餅也覃君於軍隊交通產業三事循序剖析而歸於一貫之結果蓋其以經濟眼光討究政治問題故能切中時病著著可行而一無高遠廣漠之論然則覃君之三策乃皆事實也辦法也雖使向之所謂梟傑暨墟拘無常識之舊官腐儒見之亦無能目爲理想空言而滋爲藉口也然則居今日而言救危者舍覃君之三策又安所取正哉茲常其書之成特贅數言於此以識先獲我心之感云民國五年八月

孫洪伊謹識



救危三策目錄

緒論

一 軍隊問題

第一 鑛屯

第二 兵工製造場

第三 鐵路工程隊

二 交通問題

三 產業問題

第一 信用結合

第二 販賣結合

第三 購買結合


第四 生產結合

結論

目

錄

一 二 八 十五 十七 四〇 四四 四四 四五 四六 五六



救危三策

覃壽公著

緒論

維中華民國危而僅存之年。約法國會死而復生之月。大盜移國餘孽猶張之日。國民苦痛倒懸未解之時。古之傷心人。乃欲進於泯泯棼棼甚囂且塵上之域中。以不入時之言。爲國人一商榷之。國人知社會之機體。何由而成化。國家之基礎。何由而鞏固乎。口頭讖之抽象論者。日囂囂然曰。教育普及。日囂囂然曰。政治改良。然而按之於事實。則所謂普及者。皆如不及。而所謂改良者。又或進不良以率其或良焉。是豈吾黃帝華夏之子孫。於世界進化之公例中。獨樂爲此反比例。而偏其反而乎。吾人爲之推敲其原由。乃知其致謬之所在。(一)由於官僚頑固派。不學無術。(二)自號爲新派而一知半解。猶之不學無術。集此兩端之象。混淆於國中。於是乎自甲者觀之。似乎進者。而自乙者觀之。又似乎退。自甲點觀之。似乎進者。而自乙點觀之。又似乎退。自甲地觀之。似乎進者。而自乙地觀之。又似乎退。嗚乎。長此絳古蕪穢不治。吾知魯也無鳩。國其不多乎。

予茲乃正襟莊言度物之本未。衡事之終始。而斟酌其先後進行之程序。以希被採擇於國人。以冀其萬一補球於國民。國人平。其熒獨而予聽乎。予將敷衽而陳詞矣。相古在昔。堯之語舜也。眷眷於四海困窮。天祿允終。亦越近紀。歐西之學者。汲汲於富之分配不公平。而社會破裂。由前之說。則舊哲學正德利用。厚生諸古訓尙焉。由後之說。則新世紀經濟原理。經濟政策等新名詞。迥焉。鑪此舊新微指。一治而論之。則知欲爲國家立極者。先在於維持社會。欲爲社會立命者。先在於維持民生。是即國家與社會關係之所在。而中外新舊理論之所同者也。本此理論。而吾濟後之所述。皆以此爲歸納之點。

更自事實上國家與國家爲觀察之。古昔之吾國。位於國別中。爲國與國之關係。政治重於經濟。（自秦漢降及唐宋以至明皆爲國與國之關係。元氏之兵力雖及於歐西。然皆不足以當世界之稱。而且秦漢以來。皆爲政治上之競爭。如明時馬市之類。殆爲最少之事。）逮乎新世紀之吾國。位於國別中。乃爲國與世界之關係。經濟重於政治。（此說實本於世界通商大自由之原則。輔之

以科學上之交通利器。古時代之吾國。國人之對於國與國也。爲自內而對外。新世紀之吾國。國人之對於國與世界也。爲在內而對內。（後文所述。國內的。世界經濟競爭。卽本於此。）是即今日千鈞一髮不絕如縷之中華民國。今昔變遷所有之現狀也。本此現狀。而吾儕後之所述。各種補救之方法。皆以此爲演繹之點。

由今之現狀爲闡言之。其于國家也。爲水火。爲刀兵。爲災祲。爲敲脂吸髓。爲四隣侵奪壓迫。爲一切麻木不仁現狀。其于社會也。爲劫奪爲傾軋。爲嫉妬。爲貧乏。爲愚弱疾病。爲流離餓殍。爲無廉寡恥。爲一切不道德現狀。嗚乎。糾紛慘黷。其危也若此。將何以爲國家。何以爲社會。譬之病夫。今日之民國。其病危也。已在易簣之時。若治手者爲一方。治足者爲一方。治心腹臟腑者又爲一方。治皮膚毛髮者又爲一方。衆方雜投。鮮有不死者。無已。無惟診其病勢至急之所在。一面治其本。一面治其標。而爲扼要之救濟。或者其庶幾乎。用是吾敢操和緩之方術。爲膏盲之針灸。舉球危三策。與國人一商榷之。救危三策者。舉現今危狀之尤甚者。如軍

隊交通產業三大問題。一一爲解決之也。至于此三問題中。其爲解決之方法。關係實涉及于多方。但以其皆歸宿于三大問題之解決也。故併稱爲三策。今順次舉其解決之方針及其辦法。以與國人商榷之于次。

一 軍隊問題

解決 吾儕主張軍隊改制。用三種方法以處置之。(一)鑛屯。(二)兵工製

造場。(三)鐵路工程隊。

以漸進的形式。圖徵兵制之實行。俾國維之基礎。于是而鞏固。循此方針以爲進行。將各省現行募兵制之額數。以三期分爲第一二三批。改

辦法

編名冊。第一期即徵兵制試行之期。第二期爲厲行之期。第三期爲全行之期。

或謂息事寧人。即可以迎合國人一種苟安之心理。今國人驚魂甫定。胡爲遽倡此軍隊改制之說。豈辛壬癸甲四五年以來。迄于今茲。水火刀兵盜賊者。猶未創之深痛之鉅。而必爲無事自擾乎。曰不然。所謂苟安者。猶言其可以安。而後苟且

就之也。今本問題不解決。國民勢將一息不得安焉。所得苟。茲就其弊害爲痛切言之。以絕我國人苟安之希望。而後吾解決之說。乃爲有徵而可信。

在新世界號稱爲國家者。以其有國家人格者也。世界不論何國。苟爲立憲國家。人民卽有服兵役之義務。今之募兵制。金錢僱傭之契約性質也。皇皇國維之根本。乃非人民于憲法上。服兵役之義務而爲之捍衛。而惟以金錢僱傭者。爲之支柱。于是乎今日增加餉額。以結其歡心。明日重給獎勵。以買其盡力。設不然者。彼且掠取于國民。以爲慾望之相償。在彼客觀一方。固不足爲詬疵。以其由傭傭關係爲金錢而來。當然如是也。可惜者主觀一方。此種國防之國家。在世界中不免國家人格大減等耳。且夫金錢之僱傭。在于物質而憲法上服兵役之義務。在于精神者也。若國家之國防根本。不在于精神而本于物質。則是近于銅臭司徒。則是近于濟馬尼。（歐州中世之買賣僧職）行見造成一切政治上之罪惡。一切顛播國家之計畫。皆可假金錢萬能之勢力而操縱之。